



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

De S. Dionysio.

---

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

qui mundum fugere etiam corpore potest ! sed qui corpore non potest, corde affectuque fugiat. Quare internam tibi ædifica solitudinem, expelle mundanos ex corde affectus, noli de rebus caducis nimium sollicitus esse : tum vel in turba sedebis solitarius, Deique alloquio & gratiis uberibus perfrueris.

## DE SANCTO DIONYSIO. 9. Oct.

## PUNCTUM PRIMUM.

CONSIDERA S. Dionysium cum nondum fidem suscepisset, totum se litteris dedisse, Perpende. 1. Quo fine non ut curiositati satisficeret, sed ut veritatem detegeret ; non ut in rerum creaturarum cognitione sisteret, sed ut assurgeret in Dei cognitionem ; non ut vanis & inutilibus quaestionibus otium suum oblectaret, sed ut ea quæ didicerat, omnia ad morum suorum informationem, & aliorum instructionem referret. 2. Quo studio, eo ut nullam scientiam quam alicui sibi usui fore prævideret, neglexerit. 3. Quo fructu ? tanto, ut in Christianæ religionis inysteriorum cognitionem venerit : dicitur enim cum Dominicæ Passionis tempore solem præter naturam defecisse animadvertisset, dixisse : *Aut Deus natura patitur, aut mundi machina dissolvetur.* Vide ut ejus exemplum honestum tibi in studijs finem præfigas, Dei gloriam videlicet & propriam salutem : ut nihil eorum negligas, per quæ pos-

Præparatio ad fidem.

1.

2.

3.

lis



sis gloriam divinam promovere : ut aliquem semper fructum ad morum emendationem facias.

## PUNCTUM II.

Eidem suscipit. **C**onsidera cùm Paulus Athenas venisset, & in Areopago Christum resurrexisse, & mortuos omnes aliquando resurrecturos annuntiaret; alios audire noluisse; alios audisse, & contempsisse; alios, sed præsertim Dionysium audiisse & credidisse. Vide quàm attentè audierit, quàm generosè, inani hominum respectu, ipsaque dignitate postpositis, Evangelio paruerit. Tu verò attende. 1. Ut Dei verbum libenter audias, *Qui ex Deo est, verba Dei audit.* 2. Ut divini verbi præcones tanquam Dei ministros magni facias, *pro Christo enim legatione funguntur & dispensatores sunt mysteriorum Dei.* 3. Ut sæpe fidei actus circa ea quæ ab illis dicuntur, elicias. *Nam hi sunt qui in corde bono & optimo audientes verbum Dei retinent, & fructum asserunt in patientia.*

Fidem propagat libris.

2.  
Peregrinationibus ac prædicatione.  
3.  
Martyrio,

## PUNCTUM III.

**C**onsidera ejus zelum in propaganda fide suscepta, quem testatus est. 1. Libris de rebus divinis editis, ut omnes, & omni tempore ad Dei amorem excitaret. 2. Laboriosis peregrinationibus : nam Athenis Romam, Roma Parisios centenario major perrexit, ubi Christum generosè constantèrque prædicavit. 3.

Quare



Quare sub Fescennio præfecto virgis cælus, craticulæ subjecto igne impositus, tandem multatus est capite, quod abscissum sustulisse, & ad duo millia passuum manibus gestasse dicitur. O si hunc zelum imitareris quoad licet! ô si nullos labores reformidares cum Dei gloria id postulat! ô si omnes ad Dei amorem qua verbis, qua scriptis excitares! *Qui ad iustitiam e-* Dan. 12.  
*rudiunt multos, fulgebunt quasi stelle in perpe-* 21.  
*tuas aternitates.*

## DE SANCTA THERESIA. 15. Oct.

## PUNCTUM PRIMUM.

**C**onsidera, quomodo Deus cor Theresiæ ad vulnus charitatis disposuerit. In solitudinem religionis eam duxit, ne posset mundus tam pretiosam plagam impedire. Illam incendit desiderio veræ sanctitatis, quæ consistit in charitate: ut ipsa ultro pectus suum vulnere charitatis exponeret. Illam excitavit ad severam mortificationem, ut ejus cor jam subactum pœnitentiis & mollium minus telo charitatis resisteret. Illam denique purgavit ab affectu minimo creaturarum, ut in ejus corde amplissimus vulnere charitatis locus esset. O aptam ad vulnus charitatis dispositionem! Sed eodem modo disponere te debes, si vis & ipse charitate vulnerari,

Disposi-  
tiones  
ad vul-  
nus cha-  
ritatis.

PUN-